

de Luce ac perpetuis lucernis Veterum notassent, discerem? Quid anno factum fuerit superiori, testis est Consiliarius & Bibliothecarius ibidem Nobilissimus D. Christoph. HENDRICHII. Exstimulaverat me elaboranda porrò diatriba Academica, prior e quidem de *Luce primigenia*, altera de *Luce atque Umbra*, ante annos hos XX. publicata. Licet i studium, ingenium Kircheri maximoperè placebat. Sed, quod uterque denatura Lucis ex professo commentatus, à veri aberrasset limine ac rem divinam nondum satis assecutus videretur, haud implebat exspectationem. *Robertus Fludd*, de *Fluctibus sublimiora multa*, & tantum non nimia conatus est, sed quæ intra nudas speculationes, sàpè etiam Theologis suspectas purioribus, subsisterent in vastis *Commentariis*. In *Moscardi Muséo* edito Italicè inveni, quod indaginis *Occasio* laborem, propter spem successùs prosperi, reperiendæ ex desperditis *Perennilucæ*, mereretur. Repeto quæ scripsi de hoc argu-
mento quondam: Non est livore deterendus, aut silentio pre-
mendus ausus Viri in palestrâ Vulcani seu vitrâ, seu metallâ spe-
ctes, diutissimè exercitati, & à celebri Chymiatro, D. *Langelot-*
to non parum æstimati & laudati, Dn. *Job. Kunckclii*, Serenissi-
mo SAX. (nunc BRANDENB.) ELECTORI à secretioribus la-
boribus Chemiæ & cubiculi ministeriis devoti. Ab hoc, ut pri-
mum alter alteri innotuit, contendi precibus hortatibusque, ut
desisteret (si quidem unquam in arcano opere fuisset occupatus,) ab arte tot damnis & periculis nobilitatâ. Relicto præcipitio ad
plana se conferret, operæ Naturæ certiora potius rimando, unde
Sapientiæ naturali atque Medicinæ lux inferri possit, ad rerum
cruendam veritatem, & promovendam hominum salutem. Sic
propitium laboribus futurum Deum. Operari claros hâc ætate
nostrâ Viros circa Lumina & Phosphoros. Auderet lumen cir-
cumfundere ingeniosis curis. Probavit Artifex consilium, senten-
tiamque contulit cum exteris, & periculum suscepit artis Witte-
bergæ, meque toties præsente, & tûm circumstantias, tûm caussas
diligenter observante, felicissimè perfecit, Numinis laborem se-
cundante.